

Re 100/200

22

Etliche gesichte so
zu Holtzhausen vnter Wasser-
burg/ im Lande Düring gelegen/ am
Donnerstag noch Trinitatis / Vnd
zu Pretin/den 20. Junij. Disses
48. Jars / am Himmel von
glaubwürdigen Leuten
seint gesehen wor-
den.

Handwritten text in a Gothic script, likely a list or index, with some lines appearing to be bleed-through from the reverse side of the page. The text is mostly illegible due to fading and bleed-through.

ne
de
ge
Ne
au
de
de
rit
ge
de
sta
he
de
Zu
ein
ern
cke
die
au
ter





Am Sonnerstage nach

Trinitatis ist zu Holtzhausen
vnter Wasserburg gelegen gese
hen worden zwischen neun vñ
zehen vhrn / auff den abent dis
gesicht. Erstlich sint dicke kohl
schwartze wolckē gleich andan

nen Bewinen gestanden / daraus als von ni
dergang der Sonnen gegangen ist / Ein fusz
genger inn schwartz gekleidet / Welchem ein
Reuter in gleicher farb gefolget / Diesem sint
auch zween fuszgenger nach gegangen / vnd
den vier Personennach / ist auch ein Weib aus
den wolcken komen / dem ein Reuter nachge
ritten / hinter dem selbigen ist ein lediger gaul
gesehen worden / Darbey ein Man gelegen /
dem ein fuszgenger / so hinder dem Pfert ge
standē die hant gereicht / als wolt ehr im auff
helffen / ehr ist aber liegē bliben / ferner sint bey
dem der dem ligendē hat auffhelffen wöllen /
Zwen fuszgenger gesehen wordē / denen auch
ein Weib nachgefolget / die die binden an den
ernilen gehabt / Diese alle seint gegen dem Fre
ckenbergk als gegen mittag gestanden / Nach
diesem allen ist ein grosser leibhaftiger Man
auff einem schecketem pferde darüber ein brei
ter zeug gewest / aus den dicken gewolck ge
ritten /

A ij ritten /

ritten / welcher ein schwatze kappen ange/
habt / auch inn der rechten hand einen faust/
kolben gehalten / vnd einen dicken federpusch
auff dem hut gefürt / vnd von sechs Eraban/
ten geleitet worden / Vnd ist solcher Reuther
anzusehen gewesen / gleich alle vnser Alter
Churfürst / wie denn die Bawrn so das ges/
sicht gesehen anzeigen / das sie denselben Al/
ten Churfürsten für Ingelstadt also gesehen/
die sie seiner Churfürstlichen gnadē Schantz/
greber gewesen / Vnd ist dieser Reuther für
den ehrzelten Personen allen für vber geritten
vnd gegen mittag einen guten weg hinaufs
gekomen / nach dem sich aber vber den Reu/
tern / Knechten / vñ Weibern eine grosse buch/
se inn dem Wolcken ehrzeicht / Da hat sich
der Reuther mit dem Pfert vmbgekert / vnd
nach dem hauffen der fuszgenger / Reuther /
vnd der zweien Weibern geritten / vnd dem
letzten Weib die hand gegeben / Das mans ei/
gentlich gesehē wie er sich vom Pfert gebückt
vnd nach dem Weib geneigt / Dieweil solchs
gesehen / sindt sonst vber den obangezeigten
Reuthern vñ Knechten auch andere viel Reu/
ther vnd fusknecht gestanden / Man hat
aber sōnderlich ein grossen langen gesehen /
der ein knechtisch Feinlein so schwartz vnd
weys streuffen gehabt / auff der achseln getra/
gen //

gen/ gleich als einem grossen winde schwebet/
Auch ist vber dem hauffen ein Kamel gestan-
den / das von einem ist gefürt worden / vnd
vber inen ist still gestanden / Do sint von mit-
tag vñ abent zwen Reuther zusammen geritten/
welch gleich als mit einander ein gespreh ge-
halten / vnd bey inen ein langer fus-genger in
einem schwarzen wapen Rock / vnd ein lang
schwert schwarzen hut / vnd feddern gestan-
den.

Auch ist vom mittag ein wolcken auffgan-
gen / aus welcher ein Man in einem sehr lan-
gen Rock komen / Welcher ein gestalt als D.
Martini Lutheri abcontrafactur gesehen / die-
ser ist mit auffgerektem arm / darinn ehr ein
Buch gehabt / zu dem hauffen gangen.

Diese gesicht ist dieweil gesehen / vnd alle-
zeit von einer schwarzen wolcken verdunckelt
worden / als erstlich die Heubter / darnach die
leib vnd füß vergangen / Vnd zu letzt ein klei-
ner Reuter nach dem gesicht gesehen / dabey
der abentstern gestanden / nebē einer schwar-
zen wolcken / sonst hat man kein wolcken am
Himmel nach abent gesehen / vnd sindt der Per-
sonen Namen die solcks gesehen / Michel
Schmid / Cuntz Kotha / Joachim Freckel /
Hans Schonheider / Bartel Koch / Auch hat

A iij man

man disß gesicht zu Sigelbach / vnd Bitfels/
vnd in andern Dörffern gesehen / Alhie zu
Arnstadt hat man den Abent viel feuriger
schaln gesehen / darauff die Bawrn anzeigen
das das gesicht gefolget.

Ald mitwochen den xx. Junij
In der nacht / haben zu Pretin / der
Pfarrher / Item der Vorsteher vnd
dieser beyder haussgesinde gesehen / das ge-
sicht am Himmel.

Erstlich ist auß dem Mon gegangen / ein
grosser schöner Hiersche mit auffgeracktem
Kopff / vnd schönem grossen gebörn.

Darnach seindt daher gangen zwey ge-
schrenckte schwerdt / wie sie im Churfürstli-
chen wappen / vnd die selbigen hat niemants
getragen.

Darnach ist daher gangen ein feyster gross-
ser schwartzer Man / Wie vnser alter Chur-
fürst / der selbige hat sich sehr vmbgesehen.


Vnd ist im nach gefolget ein grosser hauf-
fen Kriegsvolck / Reuter vnd Knecht etc.


Disß

Diss gesicht hat gewehret in die andert
halbe stundt.

Darnach ist gemenlich eins nach dem an
dern weyfs worden/vnd verschwunden.







Ff 4390

ULB Halle 3
004 805 690



f

sb.



B.I.G.

Farbkarte #13

Re 100/200

22

tliche gesichte so
 Holtzhausen vnther Wasser=
 urg/ im Lande Düring gelegen/ am
 Donnerstag noch Trinitatis / Vnd
 zu Pretin/den 20. Junij. Disses
 48. Jars / am Himmel von
 glaubwürdigen Leuten
 seint gesehen wor=
 den.

